



金湯借箸目錄卷之十三

制勝部 有引

固結民心

總引

李光弼撫常山

燕王噲

激揚士氣

劉錡積薪焚家

張巡誓死

沉竈產蛙

睢陽寧死不叛

吳玠忠義勉士

李光弼內刀千鞞





張以謨

李光範內以干華

隆餘蘇蔣焚家

吳任忠義煥士

張士康

燕王會

李光範無常山

張勳寧夜不殊

熊氏


張勳寧夜不殊

固始

歸朝

自序

金瓶梅詞話卷之十三





卷之六

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安



德宗引咎

張仵鬻愛女

楊慶復厚給糧賜

楊烈婦重賞

李政散財

誅除反仄

張巡誅六將

邊居誼

鎮定危疑

朱桓喻士

羊侃安衆

庾域題空倉

王罷開誠示衆

逆折盛勢



張遼折吳

張巡折賊

渾瑊折賊

王文郁折夏

邀截歸路

費禕據三嶺

陳泰斷姜維

朱桓斷夾石挂車

王軌鎖清木

吳玠伏神全

吳玠伏河池

种師道議扼河

种師道請乘半濟擊金

宗澤欲據金人歸路



韓世忠截江大破兀朮

誘攻城

虞詡誘羗

劉基誘陳友諒

誘入城

陳宮誘曹操

安邑人誘崔乾祐

李雄誘羅尚

鐵鉉誘靖難兵

誘戰

劉錡誘兀朮

于謙誘虜

佚能勞之



夜擾

張巡鳴鼓嚴隊

史思明掠抄官軍

劉錡夜斫金營

畢再遇疲金人

姚廣孝罷王師

飽能饑之

祖逖邀擊趙糧

史思明焚九節度之糧

張巡取賊鹽米

劉錡鑿金糧船

畢再遇焚金糧

安能動之

孫子疾走魏都以解趙圍

孫子直走魏都以解韓圍

劉琨清嘯奏胡笳

敵則能戰之

總引

漢光武昆陽之捷

張巡睢陽之捷

劉錡順昌之捷

吳玠吳璘和尚原仙人關之捷

扈再興襄陽之捷

右石亨京師之捷

少則能守



耿恭

毛德祖守虎牢

陳憲守懸瓠

沈璞臧質守盱眙

羊侃吳景守臺城

韋孝寬守玉壁

昌義之守鍾離

張巡守睢陽

渾瑊守奉天

趙犍守陳州

杜悛守泗州

李嗣昭守潞州

周德威守幽州

王稟守太原

孟宗政守棗陽

鐵鉉守濟南

內外夾攻



陳宮

慕容翰

傅永

柳元景

不意奮擊

突門

毛德祖穴地出圍

薛萬均薛萬徹從地道掩擊

李光弼

夜縋人

寢兵絕鼓

伐交

燭之武說秦伯



張孟諛潛見二子 慕容廆

分勢

吳玠

康茂才

形

廉范縛炬焚火

虞詡貿易衣服

霍王元軌開門偃旗

張守珪置酒作樂

張齊賢列幟燃芻

乘

燕君臣有隙田單乘而讒之



秦將相不和蘇代乘而間之

黃巾依草結營皇甫嵩乘而火之  
尖厥弧矢俱敝太宗乘而蹙之  
宸濠力憊鼐睡楊銳乘而襲之

認賊首

南霽雲射尹子奇

取賊箭

藁人得箭

青蓋獲矢

焚賊攻其



李綱燒金雲梯

孟珙燒元船村

張玉火元資糧器械焚船場

焚賊糧草

張巡焚賊鹽米

畢再遇焚金糧草

靜

祖珽下城靜坐

劉錡城中肅然

暇

諸葛亮掃地却酒

蕭道成解衣高卧

寇準飲博懽呼

畢再遇臨門作樂



佚

劉錡軍皆番休

張翬兵分数替

飽

劉錡坐餉戰士

張翬更迭食士

治

李綱以百步法守都城

密

李光弼

選將安邊



唐太宗

宋太祖

王瓊

用財欲泰

總論

漢高祖

宋太祖

羊祜

金湯借箸目錄卷之十三終

卷之十三





金湯借箸卷之十三

京口

周

鑑臺公甫

輯著

淮南

李長科小有甫

較訂

同郡

王孟申元嶽甫

叅閱

制勝部

以主客言之則攻者為客守者為主則勝在  
守以生死言之則攻者居生路守者陷死地  
則勝又在攻全視制勝之着何如耳輯制勝

固結民心



總引

黃石公曰。蓄恩不倦。以一取萬。孫子曰。道者令  
民與上同意。可與之死。與之生。而不畏危也。吳  
子曰。民安其田宅。親其有司。問守已固矣。許洞  
曰。夫被圍者。當先安其內。而後及其外。可也。此  
皆固結民心之說也。鼂錯曰。人情莫不欲壽。三  
王生之而不傷。人情莫不欲富。三王原之而不  
困。人情莫不欲安。三王扶之而不危。人情莫不  
欲逸。三王節其力而不盡。此皆固結民心之政。

也。孟子曰：城非不高也，池非不深也，兵革非不堅利也，米粟非不多也，委而去之，是地利不如人和也。故制勝之策，以固結民心為首。

### 沉竈產蛙

趙簡子使尹鐸為晉陽，請曰：「以為繭絲乎？抑為保障乎？」簡子曰：「保障哉！」尹鐸損其戶數。減損戶數則賦稅輕民力舒也。簡子謂無恤曰：「晉國有難，而無以尹鐸為少，無以晉陽為遠，必以為歸。」及智伯求蔡，臯狼之地於趙襄子，襄子勿與。智伯怒，帥韓、魏之



甲以攻之。襄子將出曰：吾何走乎？從者曰：長子近且城厚完。襄子曰：民罷力以完之，又斃死以守之，其誰與我？從者曰：邯鄲之倉庫實。襄子曰：浚民之膏澤以實之，又因而殺之，其誰與我？其晉陽乎？先主之所屬也。尹鐸之所寬也。民必和矣。乃走晉陽。三家圍而灌之。城不浸者三版。沈竈產鼃。民無叛意。

李光弼撫常山

李光弼以朔方兵五千東救常山。常山團結子

弟執賊將安思義降常山自顏杲卿死後都為  
戰區露齒蔽桡光弼酹而哭之為賊幽閉者出  
之而厚恤其家民大悅

睢陽寧死不叛

尹子奇久圍睢陽城中食盡將士人廩米日一  
合雜以茶紙樹皮為食茶紙既盡遂食馬馬盡  
羅雀掘鼠雀鼠又盡巡出受妾殺以食士遠亦  
殺其奴然後括城中婦人食之繼以男子老弱  
人知必死莫有叛者所餘纔四百人



殺妾殺奴不成話矣。括食婦人老弱更不成話矣。然民至此寧死不叛。固結何如。

王噲

不固結之弊  
如此如此

燕王噲之為王三年。國內大亂。齊王使章子伐燕。燕士卒不戰。城門不閉。齊人取子之醢。之遂殺王噲。

激揚士氣

劉錡積薪焚家

劉錡充東京副留守。金人敗盟南侵。已陷東京。

錡與將佐舍舟陸行先趨至順昌知府事陳規  
見錡問計錡曰城中有糧則能與君共守規曰  
有米數萬解錡曰可矣諸將皆曰金兵不可敵  
也請以精銳為殿步騎遮老小順流還江南錡  
曰吾本赴官留司今東京雖失幸全軍至此有  
城可守奈何棄之吾意已決敢亂言去者斬鑿  
舟沈之示無去意置家寺中積薪于門戒守者  
曰脫有不利卽焚吾家毋辱敵手也分命諸將  
守諸門明斥堠募土人為間探于是軍士皆奮



有鼓其鏜  
踴躍用兵之  
意

黃石公曰接  
以禮勵以義  
則士死之

男子備守戰婦人礪乃劍爭呼躍曰平時人欺  
我八字軍今日當為國家破賊立功矣及戰大  
破金人

吳玠忠義勉士

始金人之入也玠與璘以散卒數千駐原上朝  
問隔絕人無固志有謀劫玠兄弟北去者玠知  
之召諸將軟血盟誓勉以忠義將士皆感泣願  
盡死力大破金人兀朮中流矢謹以身兌急剗  
其鬚髯而遁

張巡誓死

慶緒遣其將尹子琦趣睢陽。巡與許遠拒卻之。賊復來攻。巡謂將士曰：「吾受國恩，賊若復來，止有死耳。但念諸君捐軀力戰而賞不直，勲以此痛心耳。」將士皆激勵，請奮巡。乃椎牛饗士，盡軍出戰。巡執旗帥諸將直衝賊陣，賊乃大潰。

李光弼內刀于韉

史思明復攻河陽。李光弼將戰，內刀于韉，曰：「戰危事，吾位三公，不可辱于賊。萬一不捷，當自刎。」



以謝天子。及是西向拜舞。三軍感動。

德宗引咎

朱泚攻奉天。上召公卿將吏謂曰。朕以不德。自陷危亡。固其宜也。公輩無罪。宜早降以救室家。羣臣皆頓首流涕。期盡死力。故將士雖困急而銳氣不衰。

張仝鬻愛女

田悅攻臨洛。累月不拔。城中食且盡。府庫竭。士卒多死傷。張仝飾其愛女。使出拜將士。日諸軍

畢竟厚給糧  
賜是主若口  
惠而實不至  
吾未見其能  
濟也

守戰甚苦。佐家無他物。請鬻此女為將士一日之費。衆皆哭曰。願盡死力。不敢言賞。

### 楊慶復厚給糧賜

西川之民聞蠻寇將至。爭走入成都。楊慶復募士厚給糧賜。乃諭之曰。汝曹皆軍中子弟。年少材勇。平居無繇自進。今蠻寇憑陵。乃汝曹取富貴之秋也。可不勉乎。皆歡呼踊躍。得選兵二千。人號曰突將。蠻合梯衝四面攻成都。慶復帥突將出戰。殺傷蠻二千餘人。蜀人素怯。其突將新



烈婦非侃之  
妻侃之師也

為慶復所獎拔且利于厚賞勇氣自倍其不得  
出者皆憤鬱求奮慶復與蠻戰蜀民數千人爭  
操芟刀白楮以助官軍呼聲震野蠻軍大敗死  
者五千餘人

### 楊烈婦重賞

楊烈婦者李侃妻也李希烈陷汴謀襲陳州侃  
為項城令希烈分兵數千略定諸縣侃以城小  
賊銳欲逃去婦曰寇至當守力不足則死焉君  
而逃尚誰守侃曰兵少財乏若何婦曰縣不守

則城池皆其地也。倉廩府庫皆其積也。百姓皆其戰士也。於國家何有。請重賞募死士。尚可濟。侃乃召吏民入廷中。曰。令誠若主。然滿歲則去。非如吏民生此土也。墳墓存焉。宜相與死守。忍失身北面奉賊乎。衆泣許諾。乃徇曰。以瓦石擊賊者。賞千錢。以刀矢殺賊者。萬錢。得數百人。侃率以乘城。婦身自爨。以享衆。報賊曰。項城父老。義不下賊。得吾城不足為威。宜亟去。徒失利無益也。賊大笑。侃中流矢還家。婦責曰。君不在人。



誰肯固守死於外。猶愈于牀也。侃遽登城。會賊將中矢死。遂引去。

### 李政散財

宋冀州將官李政。備守有方。紀律嚴明。金屢攻城。皆擊退之。嘗夜劫金寨。所得盡散士卒。不以自私。一日金人已登城。火其門樓。政以重賞募死士撲之。俄有數千人。皆以濕氊裹身。躍火而進。大呼力戰。金人驚駭。有失仗者。遂敗走。城賴以全。後政死而城矢守。

誅除反反

張巡誅六將

令狐潮圍張巡於雍丘。相守四十餘日。朝廷聲  
問不通。潮聞上皇已幸蜀。復以書招巡。有大將  
六人。官皆開府特進。白巡以兵勢不敵。且上存  
亡不可知。不如降賊。巡陽許諾。明日堂上設天  
子畫像。帥將士朝之。人人皆泣。引六將于前。責  
以大義。斬之。士心益勸。

邊居誼



元兵薄新城。總制黃順副將任寧俱出降。其部曲多欲縋城出者。邊居誼悉驅入當門斬之。遂堅守不下。

李小有曰。既有二心矣。則後日開門延賊賣主求榮者。必此輩也。豈可留之肘腋乎。故殺之。

## 鎮定危疑

朱桓喻士

朱桓為濡須督。魏曹仁以步騎數萬奄至。時桓

手下及所部兵在者五千人。諸將業業各有懼心。桓喻之曰：兵法所以稱客倍而主人半者，謂俱在平原，無城池之守耳。今仁千里步涉，人馬罷困，桓與諸君共據高城，南臨大江，北背山陵，以逸待勞，為主制客，此百戰百勝之勢也。雖曹丕自來，尚不足憂，況仁等邪？乃偃旗鼓，示弱以誘之。魏師不克還。

李小有曰：夫攻之與守，彼上而我下，彼仰而我俯，彼勞而我逸，彼動而我靜，彼客而我主。



不待小危而數者之勝已操之自我矣但承  
平日久人不知兵輒為錯愕正宜有以曉之  
耳

### 羊侃安衆

侯景軍乘勝至闕下城中怕懼羊侃詐稱得射  
書云邵陵王西昌侯援兵已至近路衆乃少安  
庾域題空倉

魏圍南鄭數十日城中怕懼庾域封題空倉數  
十指示將士曰此中粟皆滿足支一年但努力

固守衆心乃安

周臺公曰晉侯圍曹曹人兇懼因其兇也而  
攻之遂入曹張魯既降操蜀中一日數千驚  
雖斬之不能禁也故兵法曰心怖可擊人心  
懼則掩氣最為誤事然軍勢曰將無勇則士  
卒恐第視專城者為何如人耳

王羆開誠示衆

王羆守華州時西魏師與東魏師戰於河橋不  
利前後所虜魏士卒散在民間聞魏兵敗謀作



亂於是趙青雀等遂反。據長安子城。羆聞之大  
開州門。召軍人謂之曰。頃聞大軍失利。青雀作  
亂。諸人相驚。咸有異志。王羆受委于此。以死報  
恩。諸人若有異圖。可來見殺。必恐城陷沒者。亦  
任出城。如有忠誠。能與王羆同心者。可共固守。  
軍人見其誠信。皆無異志。

逆折盛勢

張遼折吳

曹操之征張魯也。為教與護軍薛悌。而署其函。

邊曰賊至乃發及是孫權率衆十萬圍合肥乃  
共發函教曰若孫權至者張李將軍出戰樂將  
軍守護軍勿得與戰諸將以衆寡不敵疑之遼  
曰公遠征在外此救至彼破我必矣是以教指  
及其未合逆擊之折其盛勢以安衆心然後可  
守也進等莫對遼怒曰成敗之機在此一戰諸  
君若疑遼將獨決之李典素與遼不睦慨然曰  
此國家大事顧君計何如耳吾可以私憾而忘  
公義乎請從君而出於是遼夜募敢從之士得



八百人。椎牛饗將士。平旦。遼與典被甲持戟先登陷陣。殺數十人。斬二將。大呼自名。衝壘人直至權麾下。權夫驚不知所為。走登高冢。以長戟自守。遼叱權下戰。權不敢動。望見遼所將衆少。乃聚圍遼數重。遼左右麾圍直前急擊。圍開。遼將麾下數十人得出。餘衆號呼曰。將軍棄我乎。遼復還突圍。拔出餘衆。權人馬皆披靡。無敢當者。自旦戰至日中。吳人奪氣。還脩守備。衆心乃安。

張巡折賊

令狐潮等四萬餘衆奄至雍丘城下。衆懼。張巡曰。賊兵精銳。有輕我心。今出其不意擊之。彼必驚潰。賊勢少折。然後城可守也。乃使千人乘城。自帥千人。分数隊開門突出。巡身先士卒直衝賊陣。人馬辟易。賊遂退。

渾瑊折賊

吐蕃十萬衆至奉天。京城震恐。渾瑊戍奉天。虜始列營。瑊帥驍騎二百衝之。身先士卒。虜衆披



靡城挾虜將一人躍馬而還從騎無中鋒鎬者  
城上士卒望之勇氣始振

王文郁折夏

夏人數十萬圍蘭州已據西關李浩開城距守  
鈐轄王文郁請擊之浩曰城中騎兵不滿數百  
安可再輕戰文郁曰賊衆我寡正當折其鋒以安  
衆心然後可守此張遼所以破合肥也乃夜集  
士七百餘人縋城而下持短刃突之賊衆驚潰  
時以文郁方尉遲敬德擢知州事

邀截歸路

費禕據三嶺

魏曹爽入漢中。蜀據興勢。兵不得進。引軍還。費禕進據三嶺以截爽。爽爭險苦戰。僅乃得過。失此甚衆。關中爲之虛耗。

陳泰斷姜維

蜀姜維圍狄道。陳泰引兵救之。揚言欲向其還路。維懼遁走。

朱桓斷夾石挂車



吳周魴遣親人齎牋以誘曹休。言被譴懼誅。欲以郡降北。求兵應接。時頻有即官。詣魴詰問軍事。魴因詣郡門下。下髮謝。休聞之。率步騎十萬向皖。以應魴。朱桓言於吳王曰。休本以親戚見任。非智勇名將也。今戰必敗。敗必走。走當由夾石挂車。此兩道皆險阨。若以萬兵柴路。則彼衆可盡。休可生擒。臣請將所部以斷之。休與陸遜戰于石亭。追北逐北。徑至夾石。斬護萬餘牛馬。驢騾車乘萬輛。軍資器械略盡。

# 王軌鎖清水

陳吳明徹圍周彭城。環列舟艦，攻之甚急。周王軌引兵輕行，批淮口，結長圍，以鐵鎖貫車輪，數百沉之。清水清水清以遏陳船歸路。軍中怵懼。蕭摩訶言于明徹曰：「聞王軌始鎖下流，其兩端築城未立，請往擊之。不然，吾屬皆為虜矣。」明徹奮髯曰：「搴旗陷陳，將軍事也。長算遠略者，夫事也。摩訶失色而退。二旬之間，水路遂斷。周真益至，明徹決堰退軍至清口。清口水勢漸微，舟礙。



車輪不得過。王執引兵蹙之。众潰。明徹被執。將士輜重皆沒於周。獨蕭摩訶與將軍任忠、周羅暉全軍得還。

### 吳玠伏神垒

金人自起海角。狃於常勝。及與吳玠戰。輒敗。憤甚。謀必取玠。復攻和尚原。玠令諸將遙勁弓。强弩分番迭射。號駐隊矢。連發不絕。繁如雨注。敵稍却。則以奇兵旁擊。絕其糧道。度其困。日走設伏於神垒以待之。遂復大敗。兀朮中流矢。僅以

身免急剃其鬚髯而遁

吳玠伏河池

金人攻殺金平戰敗宵遁玠先遣兵伏河池扼其歸路又敗之自是不敢妄動

种師道議扼河

金人南下种師道入援帝問曰今日之事卿意何如對曰臣以議和非也女真不知兵豈有孤軍深入入境而能善其歸乎請緩給金幣使彼情歸扼而殲諸河執政不可



种師道請乘半濟擊金

幹瀉不退師北去京師解嚴种師道請乘其半  
濟擊之帝不許李邦彥立大旗于河東河北有  
扞出兵者並依軍法种師道曰異日必為國患  
周臺公曰來不能禦去不能追何以立國嗚  
呼殆已殷鑒不遠杞憂空切鄭侯真漢相也

宗澤欲據金人歸路

宗澤聞金人逼二帝北行卽提軍趨滑走黎陽  
至大名欲徑渡河據金人歸路邀還二帝而勤

王之兵無一至者惜哉

韓世忠截江大破兀朮

兀朮破臨安帝如浙東韓世忠以前軍駐青龍鎮中軍駐江灣後軍駐海口火治舟艦欲俟敵歸邀擊之及兀朮繇秀州趨平江世忠事不就遂移師鎮江以待之先以八千人屯焦山寺兀朮欲濟江乃遣使通問且約戰期世忠許之因謂諸將曰是間形勢無如金山龍王廟者敵必登之以覘我虛實乃遣蘇德將百人伏廟中百



人伏廟下岸側戒之曰聞江中鼓聲則沂兵先  
入廂兵繼出以合擊之及敵至果有五騎趨廟  
廟兵先鼓而出獲兩騎其三騎則振策以馳馳  
者一人紅袍玉帶旣墜復跳而免詰諸獲者則  
兀术也旣而接戰江中凡數十合世忠妻梁氏  
親執桴鼓敵終不得濟俘獲甚衆擒兀术之婿  
龍虎大王兀术懼請盡歸所掠以假道世忠不  
許復益以名馬又不許遂自鎮江沂流西上兀  
术循南沂世忠循北沂且戰且行忠朦朧大艤

神速

無意中得一  
幫手愈覺有  
興

山金師前後數里擊柝之聲達目將至黃天蕩  
兀术窘甚或曰老鸛河故道今雖湮塞若鑿之  
可通秦淮兀术從之一夕渠成凡五十里遂趨  
建康岳飛以騎三百步兵三千邀擊於新城大  
破之兀术乃復自龍灣出江中趨淮西會撻懶  
又自維州遣孛董太一引兵來援兀术乃復引  
還欲北渡世忠與之相持於黃天蕩太一軍江  
北兀术軍江南世忠以海艦進泊金山下豫以  
鐵綆貫大鉤授驍健者明旦敵舟譟而前世忠



要是不走不得  
奈何

分海舟為兩道。出其背。每縋一縋。則曳一舟。沉之。兀木窮蹙。求會語。祈請甚哀。世忠曰。還我兩宮。復我疆土。則可以相全。兀木語塞。又數日。求再會。而言不遜。世忠引弓欲射之。兀木亟馳去。見海舟乘風使蓬。往來如飛。謂其下曰。南軍使船如使馬。奈何。乃募人獻破海舟之策。於是閩人王姓者。教其舟中載土。以平板鋪之。穴船板。以擢槳。俟風息。則出海。舟無風。不可動也。且以火箭射其翳蓬。則不攻自破矣。兀木然之。刑白。

馬以祭天及天霽風止兀术以小舟出江世忠  
絕流擊之海舟無風不能動兀术令善射者乘  
輕舟以火箭射之烟燄漲天師遂大潰焚溺死  
者不可勝數世忠僅以身免奔還鎮江兀术遂  
濟江屯于六合縣世忠以八千人拒兀术十萬  
之衆凡四十八日而敗然金人自是亦不敢復  
渡江矣

周臺公曰截歸之戰未有如此痛快者兀术  
絕望南渡江左得以偏安皆此一戰力也卽



其所摧敗功亦足以暴于天下矣。虜西薄都城，未有能一截其情歸者。皆令得志飽颺，往事誠難追矣。今且直入內地，思扼吭以困我，以予視之，特穽中孤豚耳。豈可令虞卿以窮愁著書終哉。

## 誘攻城

### 虞詡誘羗

漢虞詡為武都太守，兵不滿三千，而羗衆萬餘。攻圍赤亭數十日，詡乃令軍中使疆弩勿發，而

潛發小弩羗以為矢力弱不能至并兵急攻詡  
于是以二十疆弩共射一人發無不中羗大震  
退

劉基誘陳友諒

陳友諒傾國入寇壓金陵軍勢張甚欲發兵禦  
之而衆恇怯不決有請背城借一者有以鍾山  
王氣請犇據者有勸納款者劉基後至獨張日  
不言上為起入內趣召基基言先斬主納款  
及犇鍾山者上固問計安出基曰賊驕矣誘



之深入而伏兵邀取之。故易易耳。取威定霸在此一舉而言納款及犇何也。於是決策誘破友諒。盡覆其衆。

## 誘入城

### 陳宮誘曹操

曹操呂布濮陽相持。陳宮謂布曰。可令富民田氏詐獻密書。願為內應。誘操入城。操信之。劉曄謂操曰。陳宮多謀。或是反間。不可不防。當分軍三隊。一隊入城。兩隊伏城外接應。田氏又使人

富民內應或作暗  
雖豈有敢鳴螺  
鼓不懼呂氏有覺  
之謹操何不知  
耶

獻書約初更時城上鳴螺鼓為號縱兵入城至  
期操引兵至城內州衙中砲聲響四門火起伏  
兵齊出操大敗往東門逃城有崩木擊操馬倒  
操陷火內手臂鬚髮盡皆燒毀得典韋救之而  
出

安邑人誘崔乾祐

崔乾祐至安邑安邑人開門納之半入閉門擊  
之盡殪

李雄誘羅尚



晉益州牧羅尚遣隗伯攻蜀城李雄與戰互有勝負雄乃募武都人朴泰鞭之見血使譎羅尚欲為內應以火為期尚信之悉出精兵遣隗伯等率之從泰擊雄雄將李驤于道設伏泰以長梯倚城而舉火伯軍見火起而爭緣梯泰以繩繫上尚軍百餘人皆斬之雄因放兵內外擊之大破尚軍

### 鐵鉉誘靖難兵

靖難兵圍濟南甚急鐵鉉令軍民詐降陰伏勇

士開城門候燕王入急下鐵板幾中之

誘戰

劉錡誘兀朮

兀朮至順昌。劉錡遣耿訓約戰。兀朮怒曰：「劉錡何敢與我戰，以吾力破汝城，直用靴尖趯倒耳。」訓曰：「太尉非但請與太子戰，且謂太子必不敢濟河。」願獻浮橋五所。濟而大戰。遲明，錡果為五浮橋于河上。敵繇以濟。錡遣人毒穎上流及草中。戒軍士雖渴死，毋得飲于河。飲者夷其族。時



天大暑敵遠來晝夜不解甲人馬饑渴食水草者輒病往往困乏

有毒故誘之

于謙誘虜

也先挾

太上皇帝破紫荆直窺京師諸門皆有兵總二十萬虜見我兵盛而嚴不敢輕犯以數騎來嘗我于謙設伏于空室使數騎誘虜虜遂以萬騎來薄我伏發敗之

有伏故誘之

伏能勞之

夜擾

特選精壯勇敢士五百名不必拘招依敵粧敵哨約為

暗號每遇晦夜雨雪賊忽略倦怠時則從暗門

縱出亂砍其營聚散倏忽人自為戰遇有順風

以火器火炮燒其積聚驚則佯與同驚睡則佯

與同睡但以無聲為妙機暗傷為妙手明砍明

攻是為下着五鼓鐘鳴仍以暗號認是吾兵方



許放進此之謂鬼兵密如鷺探速若鷄擊非敢死士熟練人不可或只用大砲齊放轟營亦可

張巡鳴鼓嚴隊

尹子琦復攻睢陽張巡于城中夜鳴鼓嚴隊若將出擊者賊聞之達旦儆備既明巡乃寢兵絕鼓賊以飛樓瞰城中無所見遂解甲休息巡與南霽雲雷萬春等十餘將各將五十騎開門突出直衝賊營斬將甚衆

史思明掠抄官軍

唐郭子儀等九節度圍鄴城穿塹三重引漳水灌之城中井泉皆溢構棧而居人以為克在旦夕城中人欲降者礙水深不得出城久不下上下解體思明乃自魏州引兵趣鄴使諸將去城各五十里為營每營擊鼓三百面遥脇之又每營選精騎五百日子城下掠抄官軍出輒散歸各營諸軍人馬牛車日有所失樵採甚難晝備之則夜至夜備之則晝至思明乃引大軍直抵城下刻日決戰官軍大潰



劉錡夜斫金營

宋順昌受圍已四日。金兵益盛。乃移砦東村。距城二十里。錡遣驍將閻充募壯士五百人。夜斫其營。是夕天欲雨。電光四起。見辮髮者輒殲之。金兵復退十五里。錡復募百人。以往或請銜枚。錡笑曰。無以枚也。命折竹為器。如市井兒以為戲者。人持一。以為號。直犯金營。電所燭則皆奮擊。電止則匿不動。敵衆大亂。百人者。開吹聲而聚。金人益不能測。終夜自戰。積屍盈野。

畢再過疲金人

金人以十萬進攻六合。环城四面營帳亘三十里。畢再過間出奇兵擊之。敵晝夜不得休。乃引退。

姚廣孝罷王師

王師圍北平。姚廣孝夜縋死士下城。劫南兵或遣數十人遠伏草莽間。夜舉火鳴砲。罷南兵不得休息。輒出精兵奮擊敗之。盡焚九門諸柵寨。飽能饑之。



祖逖邀擊趙糧

晉祖逖將韓潛與後趙將桃豹分據陳川故城  
相守四旬後趙運糧饋豹逖潛使邀擊獲之豹  
宵遁

史思明焚九節度之糧

唐郭子儀九節度圍鄴城穿塹三重引漳水灌  
之城中井泉皆溢穢穢而居人以為克在旦夕  
城中人欲降者礙水深不得出史思明引兵救  
之時天下饑饉轉餉者南自江淮西自并汾舟

車相繼。思明多遣壯士，竊官軍裝號，督趣運者，責其稽緩，妄殺戮人。運者駭懼，舟車所聚，則密縱火焚之。往復聚散，自相辨識，而官軍不能察也。繇是諸軍乏食。思明乃引大軍直抵城下，刻日大戰。思明直前奮擊，殺傷相半。大風忽起，吹沙拔木，天地晝晦。咫尺不辨，官軍大潰。

### 張巡取賊鹽米

今狐潮圍張巡于雍丘，會糧乏。潮餉賊，鹽米數百艘，且至。巡夜壁城南，潮悉軍來拒。巡遣勇士



斫枚濱河取鹽米千斛焚其餘而還

### 劉錡鑿金糧船

劉錡以兵駐清河。口扼金師。金人以羶裹船載糧而來。錡使善沒者鑿沉其舟。

### 畢再遇焚金糧

金兵七萬在楚州城下。三千守淮陰。糧又載糧三千艘泊大清河。畢再遇謀知之。曰。敵衆十倍。難以力勝。可計破也。乃遣統領許俊間道趨淮陰。夜二鼓。御枚至敵營。各携火。潜伏糧車間。五

十餘所聞哨發舉火敵驚擾奔竄糧草遂空楚  
圍解

安能動之

孫子疾走魏都以解趙圍

魏伐趙圍邯鄲齊威王謀救趙乃使田忌為將  
孫子為師忌欲引兵之趙孫子曰夫解雜亂紛  
糾者不控拳救閭者不搏擲批亢搗虛形格勢  
禁則自為解耳今梁之輕兵銳卒竭于外而老  
弱疲于內若引兵疾走其都彼必釋趙而自救



是我一舉解趙之圍而收弊于魏也。忌從之。魏師還與齊戰于桂陵。魏師大敗。

孫子直走魏都以解韓圍

魏伐韓。韓請救于齊。齊因起兵使田忌將孫子為師以救韓。直走魏都。龐涓聞之去韓而歸。孫子度其暮當至馬陵。馬陵道狹而旁多阻隘。可伏兵。乃斫大樹白而書之曰：龐涓死此樹下。令萬弩夾道而伏。期日暮。見火舉而俱發。涓果夜至。見白書以火燭之。讀未畢。萬弩俱發。魏師大

亂涓乃自到日遂成豎子之名

劉琨清嘯奏胡笳

晉劉琨為并州刺史嘗為胡騎所圍數重城中  
窘迫無計琨乃乘月登樓清嘯賊聞之皆淒然  
長嘆中夜奏胡笳聲悲寥亮賊又流涕歔歔有  
懷土之切向曉復吹之賊並棄圍而走

此亦兵法攻心之術也

敵則能戰之

總引



周臺公曰。能戰而後能守。未有不能戰而可以  
守者也。區區如今者。填門守堞。使賊敢易視我。  
兵氣先怯。乃庸愚之將。一籌不展。以賊不攻為  
幸。攻即破焉者也。烏足以竒專城之責哉。

漢光武昆陽之捷

漢軍進圍宛城。劉秀別與諸將徇昆陽。定陵。郾。  
皆下之。多得牛馬財物。穀數十萬斛。轉以饋宛。  
下莽大懼。遣王尋。王邑將兵百萬。甲士四十二  
萬。復與嚴尤。陳茂合。盡驅諸猛獸。虎豹犀象之

屬以助威武。諸將見尋邑兵盛，反馳入昆陽，皆  
惶怖欲散走。劉秀曰：「今兵穀既少，而外寇疆大，  
并力禦之，或可立功。如欲分散，勢無兩全。且宛  
城未拔，不能相救。昆陽即破，諸部亦滅。今不同  
心，膽共舉功名，反欲守妻子財物耶？」諸將咸怒，  
曰：「劉將軍何敢如是！」秀笑而起，會候騎還，言大  
兵且至。城北軍陳數百里，不見其後。諸將遽相  
謂曰：「更請劉將軍計之。」秀復為圖畫成敗。諸將  
皆曰：「喏。」時城中僅有八千餘人。秀乃使王常留



守乘夜與李軼等十三騎出城南外收兵。時莽軍到城下者且十萬。秀等幾不得出。尋邑縱兵圍昆陽。嚴尤說邑曰：「昆陽城小而堅，今假號者在宛，不如先擊宛。宛敗，昆陽自服。」不聽。遂圍之。數十重列營，百數鉦鼓之聲聞數十里。或為地道衝輜積弩，亂發矢下如市。城中負戶而汲。王鳳等乞降，不許。尋邑自以功在刻漏，不以軍事為憂。嚴尤曰：「兵法圍城為之闕，宜使得逸出以怖宛。下又不聽。」秀既至鄧定陵，悉發諸營兵而

諸將貪惜財物欲分留守之。秀曰：「今若破敵，珍瑱萬倍大功可成。如為所敗，首領無餘，何財物之有？」乃悉發之。秀遂與營部俱進。自將步騎千餘為前鋒，去大軍四五里而陳。尋邑亦遣兵數千合戰。秀奔之，斬首數十級。諸部喜曰：「劉將軍平生見小敵怯，今見大敵勇，甚可怪也。」且復居前，請助將軍。秀復進，尋邑兵却。諸部共乘之，斬首數百千級。諸將既經累捷，膽氣益壯，無不一當百。秀乃與敢死者三千人從城西水上衝其



中堅尋邑易之。自將萬餘人行陳。勅諸營皆按  
部無得動。獨迎與漢兵戰。不利。大軍不敢擅相  
救。尋邑陳亂。乘銳崩之。遂殺王尋。城中亦鼓譟  
而出。中外合勢。震呼動天地。莽兵大潰。走者相  
騰踐。奔殪百餘里。會大雷風。屋瓦皆飛。雨下如  
注。渑川盛溢。虎豹皆股。戰士卒爭赴溺死者以  
萬數。水為不流。王邑嚴尤陳茂輕騎乘死人渡  
水。逃去。盡獲其軍寔輜重車甲珍寶。不可勝筭。  
關中震恐。于是海內豪傑翕然響應。

張巡睢陽之捷

賊引精兵攻雍丘積六十餘日。巡與之大小三百餘戰。帶甲而食。裹瘡復戰。賊遂敗走。巡乘勝追之。獲胡兵二千人而還。軍聲大振。

令狐潮圍張巡于雍丘。城中薪水竭。巡紹潮曰：「君須此城歸馬三十匹。我得馬且出奔。請君取城以藉口。」潮歸馬。巡悉以給驍將。約曰：「賊至人取一將。明日潮責。」巡答曰：「吾欲去將士不從。奈何？」潮怒欲戰。陣未成。三十騎突出擒將十四斬。



首百餘級。收其器械牛馬。潮遁還陳留。

尹子琦復引兵攻睢陽。巡出戰。晝夜數十合。屢摧其餘。而賊攻圍益急。巡於城中夜鳴鼓嚴隊。若將出擊者。賊聞之。達旦儆備。既明。巡乃寢兵絕鼓。賊以飛樓瞰城中。無所見。遂休息。巡與南霁雲雷萬春等十餘將各將五十騎開門突出。直衝賊營。至子琦麾下。營中大亂。斬賊將五十餘人。殺士卒五千餘人。巡欲射子琦而不識。刻

蒿為矢。中者喜。謂巡矢盡。走白子琦。乃得其狀。

使齊雲射之中其左目。幾獲之。子琦乃收軍退還。

### 劉錡順昌之捷

金人攻順昌。劉錡破其鐵騎數千。兀朮在汴聞之。即索靴上馬。帥十萬衆來援。錡遣耿訓請戰。敵用長勝軍嚴陣以待。方晨。氣清涼。錡按兵不動。逮未申間。敵力疲氣索。忽遣數百人出西門接戰。俄以數千人出南門。戒令勿喊。但以銳斧犯之。統制官趙樽韓直身中數矢。戰不肯已。士



鐵浮圖步兵  
也

拐子馬騎兵  
也

殊死闖入其陣。刀斧亂下。敵大敗。兀朮遂拔營  
北去。鎡遣兵追之。死者數萬。方大戰時。兀朮被  
白袍乘甲馬。以牙兵三千督戰。兵皆重鎧甲。號  
鐵浮圖。戴鐵兜牟。周匝綬長簷。三人為伍。貫以  
韋索。每進一步。即用拒馬擁之。退不可却。官軍  
以鎗標去其兜牟。大斧斷其臂。碎其首。敵又以  
鐵騎分左右翼。貫以韋索。三人為聯。號拐子馬。  
皆女真為之。號長勝軍。專以攻堅戰。酣然後用。  
之。自用兵以來。所向無前。至是亦為鎡軍所殺。

痛映

棄尸斃馬血肉枕籍車旗器甲積如山阜兀木  
平日所恃以為強者十損七八至陳州數諸將  
之罪韓常以下皆鞭之遂還汴

吳玠吳玠和尚原仙人關之捷

宋吳玠保和尚原金將烏魯折合來攻索戰玠  
命諸將堅陣待之更戰迭休山谷路狹多石馬  
不能行金人舍馬步戰遂大敗遁去

金人自起海角狙于常勝及與玠戰輒敗憤甚  
謀必取玠復攻和尚原玠命諸將選勁弓強弩



分番迭射。號駐隊矢。連發不絕。繁如雨注。敵稍却。則以奇兵旁擊。絕其糧道。度其困且走。設伏于神垕。以待之。遂復大敗。兀木中流矢。僅以身免。急剃其鬚髯而遁。

兀木撒离喝。剽劫帥步騎十萬。破和尚原。進攻仙人關。自鐵山鑿崖開道。循嶺東下。玠以萬人守殺金平。以當其衝。璘自武階。路人援。先以書抵玠。謂殺金平之地。闊遠。前陣散漫。後陣阻隘。宜益修第二隘。示必死戰。然後可以必勝。玠從

吳璘

之急治第二隘璘冒圍轉戰七晝夜始得與玠  
合敵首攻玠營玠擊走之又以雲梯攻壘壁楊  
政以撞竿碎其梯以長矛刺之諸將有請別擇  
地以守者璘拔刀畫地謂諸將曰死則死此退  
者斬金分軍為二兀木陣于東韓常陣于西璘  
率銳卒介其間左縈右繞隨機而發戰久璘軍  
少憊急屯第二隘金生兵踵至人披重鎧鉞鈎  
相連魚貫而上璘以駐隊矢迭射矢下如雨死  
者層積敵踐而登撒離喝駐馬四視曰吾得之

吳璘

吳璘



姚仲

吳玠

王喜王武

吳玠

矣翌日命攻西北樓姚仲登樓酣戰樓領以帛  
為繩挽之復正金人用火攻樓仲以酒缶撲滅  
之玠急遣兵以長刀大斧左右擊統領王喜王  
武率銳士分紫白旗入金營金陣亂因奮擊射  
韓常中左目金人始宵遁玠先遣兵伏河池阨  
其歸路又敗之是役也兀朮以下皆携孥來劉  
夔豫之腹心本謂蜀可圖既不得逞度玠終不  
可犯乃還據鳳翔授甲士田為久留計自是不  
妄動矣

